

重修廣平府志卷十四

輿地略

星野

晷度

十二次之分大梁趙也

周禮注

大梁昴也西陸昴也濁謂之畢

爾雅

大梁昴之次名也昴西方之宿名也昴又謂之西陸郭

云昴西方之宿別名旄頭者天文志云昴曰旄頭是矣

濁謂之畢者畢西方之宿名一名濁郭云掩兔之畢或

呼爲濁因形以名

爾雅疏

昴畢閒爲天街散爲冀州分爲趙國

春秋元命苞

周天三百六十五度四分度之一分爲十二次每次三

十二度三十三分之十四日至其初爲節至其中爲中
氣自胃一度至畢六度謂之大梁之次清明穀雨日居

之趙之分野

月令章句

昴曰旄頭畢曰罕車昴畢閒爲天街

史記天官書

壬燕趙寅趙辰邯鄲

漢書天文志

趙地昴畢之分野東有廣平鉅鹿清河

漢書地理志

十二次度數自胃七度至畢十一度爲大梁於辰在酉

趙之分野屬冀州

晉書天文志

州郡躔次廣平入昴七度清河入昴九度趙郡入畢八

度

同上

自胃七度至畢十一度曰大梁之次於辰在酉謂之作

噩於律爲姑洗斗建在辰今趙分野

帝王世紀

自胃七度至畢十一度爲大梁屬冀州

隋書地理志

昂畢大梁之次畢酉初起胃四度

二千五百四十九分秒八太

中昂

六度

一百七十四分半

終畢九度其分野自魏郡濁漳之北得

漢之趙國廣平鉅鹿常山東及清河信都

舊唐書天文志

冀州其在天官昂畢則趙之分野

杜佑通典

北斗七星在太微北六曰闔陽爲律主木其分爲趙

宋史

天文志

天市垣二十二星在氏房心尾箕斗內宮之內東藩十

一星半曰趙

同上

洛州星分昴宿一度

太平寰宇記

胃四度至畢六度大梁之次也廣平順德二府皆昴分

河南彰德府之磁州皆昴畢分

明史天文志

廣平府天文昴分野大梁之次

大清一統志

右星野

永年縣

北極出地三十六度四十六分三十秒 冬至晷影一

丈七尺四寸八分弱 夏至晷影二尺三寸七分弱

冬夏至晝夜長五十八刻一分強短三十六刻十四分

弱 偏西一度三十五分 節氣早六分三十秒

輔通

志下同

曲周縣

北極出地三十六度五十一分四十秒 冬至晷影一

丈七尺五寸四分弱 夏至晷影二尺三寸八分強

冬夏至晝夜長五十八刻二分弱短三十七刻十三分

強 偏西一度二十三分 節氣早五分三十二秒

肥鄉縣

北極出地三十六度三十九分三十秒 冬至晷影一

丈七尺四寸弱 夏至晷影二尺三寸五分弱 冬夏

至晝夜長五十八刻一分弱短三十七刻十四分強
偏西一度二十三分 節氣早五分三十二秒

雞澤縣

北極出地三十七度 冬至晷影一丈七尺六寸四分
弱 夏至晷影二尺四寸一分強 冬夏至晝夜長五
十八刻三分弱短三十七刻十二分強 偏西一度二
十八分三十秒 節氣早五分五十四秒

廣平縣

北極出地三十六度三十四分 冬至晷影一丈七尺
三寸三分強 夏至晷影二尺三寸三分強 冬夏至

晝夜長五十八刻強短三十八刻弱 偏西一度二十
二分三十秒 節氣早五分三十秒

邯鄲縣

北極出地三十六度四十分三十秒 冬至晷影一丈
七尺四寸一分弱 夏至晷影二尺三寸五分強 冬
夏至晝夜長五十八刻一分弱短三十七刻十四分強
偏西一度四十九分 節氣早七分十六秒

成安縣

北極出地三十六度三十分十秒 冬至晷影一丈七
尺二寸九分弱 夏至晷影二尺三寸二分弱 冬夏

至晝夜長五十八刻弱短三十八刻強 偏西一度三
十六分三十秒 節氣早六分二十六秒

威縣

北極出地三十七度四分 冬至晷影一丈七尺六寸
九分弱 夏至晷影二尺四寸二分強 冬夏至晝夜
長五十八刻三分強短三十七刻十二分弱 偏西一
度二分 節氣早四分八秒

清河縣

北極出地三十七度九分三十秒 冬至晷影一丈七
尺七寸五分強 夏至晷影二尺四寸四分弱 冬夏

至晝夜長五十八刻四分弱短三十七刻十一分強
偏西四十一分 節氣早二分四十四秒

磁州

北極出地三十六度二十五分 冬至晷影一丈二尺
二寸八分弱 夏至晷影二尺三寸強 冬夏至晝夜
長五十七刻十四分強短三十八刻一分弱 偏西一
度五十五分 節氣早七分四十秒

右晷度

案地球爲體上應天度南北爲緯以北極爲主東西
爲經以

京師爲主此高度偏度所必詳也廣郡緯度在

京師南經度在

京師西故晷影晝夜諸差皆較

京師爲少而節氣則較早焉蓋諸方見日有先後則其加
時不同因以爲節氣之遲早也法用本地極度與黃赤
距度相加減取之用官八尺之表歷代所同今加爲一
丈見

皇朝文獻通考黃赤大距古今小謹遵儀象考成續編道
光十四年測定二十三度二十七分之數入算州縣經
緯俱以城中爲準測量諸差分列如右晷度因地勢而

測故先列星野晷度次焉

卷之三

三

三

三

三

重修廣平府志卷十五

輿地略

山川

案郡境諸山隸於所屬永年邯鄲磁州者皆太行之支脈也禹貢云太行恆山至於碣石述征記曰太行山首始於河內自河內北至幽州凡有八陁郡境滏口陁卽太行之第四陁也茲按諸山形勢自北而南依次編輯而各縣土山岡阜附識於後

聰明山在府城西六十里周迴俱石形勢高峻岡巒盤

踞綿亘廣遠

方輿紀要

聰明山在石碑社山麓有神廟歲時

禱祠

名勝志

唐建中二年馬燧敗臨洛攻田悅進軍營明

山卽此

舊唐書列傳

唐盧頂

聰明山記略聰明山之

注之謂聰降祥毓物之謂明美備稱焉取名斯在觀夫
羣山逶迤自西而北茲鎮秀拔屹臨東夏揖岱宗於遠
色延旭日於高標谿開廣平千里如砥靈源森麓迴合
窈冥禳祈必徵肸蠁如覩祀典曰山川邳陵能出雲爲
風雨見怪物曰神諸侯在其地則祭元和歲右僕射范
陽王總戎之三年詔自上黨巡撫東封冬仲月生魄至
於茲山齋莊廟廷躬執祀事於是大備控揭畢陳犧牲
神之格思歆我明德公之舉也神之助也不然何年祀
未幾而變化神速臻於是耶頭謬職分符今逾一紀獲
奉威命舊邦維新黎庶其蘇邦家之慶祝公壽考永固
河山夫言而無文行之不遠乃刻石以紀傳於後人
明劉起詩西山雄峙控沙洛紫氣東來滿郡城靜裏有
聞天籟發望中時見曉峰晴蒼茫萬點雲霞爛迢遞千
崖星斗平天爲聖王新耳目股肱元首亶聰明國朝
申頌詩太行蜿蜒來鬱勃氣難止嶠然躍衆工嵯岈無
網紀聰山蟠其衝秀絕白雲擬神棟棲巖腰飛橋欹澗
嘴勢逐狗兔盤霞蒸紅紫起攬挈相背向隱映發奇理
平岡吞亂流沙田石齒齒穴土成村鄰樹杪聞雞豕所

向盡山谿崢嶸遠能已安知數里還歛見臨洛市洛西山如雲洛東池如砥從此到郡中沃野五十里曠朗疊嶂開登城展眺視西北疑無天目際但岷嶴千峰競夕陽近者聰與紫依稀往所歷泉聲若在耳重遊苦蹉跎獨立空徙倚古有馬服君羽化西山裏開闔一氣中不辨何峰是岷岷晴嵐垂幽光照城雉閃爍衆態殊頃刻不相似指點暮雲生吹面淡如水舉頭謝山靈對君生愧恥低頭如市闔甘遜塵囂子

案方輿紀要謂此山或卽古之邯山明一統志引宋

陳薦山神碑云此蓋紫山一峰耳考寰宇記邯山在

邯鄲縣東南五里紫山距明山二十餘里中隔婁和

諸山則此山非邯山亦非紫山一峰也今不錄

猪山一名太宗山在聰明山東南與婁山對峙一名石

山絕頂有磨崖石刻

通志 畿輔

狗山今名婁山在猪山東南距府城西六十里山勢崇

廣怪石峻嶒上有古刹

永年志兼採訪

臨洛有狗山

隋書地理志

山

頂石上有狗迹因名

方輿紀要以山峰如狗脊而名

唐武德五年太宗

親總戎討劉黑闥於此立營

元和郡縣志

狗山有太宗故壘

新唐書地理志

一名駐驛山

舊志

明白南金婁山懷古詩千載屯兵事已非言尋故壘尙依稀

寒煙不鎖青山色每至登臨翠滿衣

兔山在聰明山東府城西六十里

永年志兼採訪

石碑村其上

有兔山

名勝志

高不及婁山之半土人多耕藝其上

輔通

志

和山在婁山南府城西七十里

永年志兼採訪

山勢延廣林木

青葱

畿輔通志

紅山在明山西南府城西七十里

永年志兼採訪

踞紫山之北

山形延袤回峰環澗互相映帶

方輿紀要

下有豐稔屯上有

流泉自石罅中出土人引以灌稻

名勝志

山北爲黃腰嶺

輿圖距府城七十五里土嶺平行高三里長三十里

畿輔通志

志舊志作二十里縣志與通志同

紫山在紅山南距邯鄲縣西北三十里山之西與河南

武安縣界

邯鄲志兼採訪

邯鄲有紫山

魏書地形志

臨洺有紫山

隋書

地理志

唐天寶六年改爲朱衣山山下有水北流中有鮒

魚名朱衣隋圖經云陟洛紫山春夏有紫氣蓊鬱山下